

北京圖書館古籍珍本叢刊

史部·雜史類

西南紀事·重刻確庵曾先生西蜀平蠻全
錄·甲乙記政錄續丙記政錄續丁記政錄
新政·督師紀略·蜀事紀略·平閩記

北京圖書館古籍珍本叢刊

書目文獻出版社

北京圖書館古籍珍本叢刊 9

史部·雜史類

西南紀事·重刻確庵曾先生西
蜀平蠻全錄·甲乙記政錄續丙
記政錄續丁記政錄新政·督師
紀略·蜀事紀略·平閬記

編者 北京圖書館古籍出版編輯組
出版 書目文獻出版社

(北京天津街七號)

印刷 秦皇島市資料印刷廠
定價 壹佰壹拾圓

ISBN 7-5013-0784-9/Z·66

目錄

西南紀事六卷·····	一
重刻確庵曾先生西蜀平蠻全錄十五卷·····	二九
甲乙記政錄一卷續丙記政錄一卷續丁記政錄一卷新政一卷·····	二五七
督師紀略十三卷·····	四〇九
蜀事紀略一卷·····	五〇九
平閩記十三卷·····	五四一

西南紀事



征復古田

秀水項鼎鉉訂

莆田郭應聘輯

古田縣在桂林西百五十里。重山峻嶺。界於臨桂。永福義寧洛容融縣間。分為十里。曰長安。曰新安。曰新興。曰吉良。曰仁良。曰永盈。曰崇良。曰永安。曰安和。曰安寧。又設常安。桐木。富祿。三鎮。巡檢司。分治之。景泰初。居民招徠代耕。日滋月蔓。寔肆暴。不可制服。弘治五年。請于朝討之。官兵進至三厄。為賊所襲。副總兵馬俊參議馬鉉皆遇害。賊益驕恣。居民皆轉徙於外。僅存城內外三十餘家。正德十五年。復征之。賊負險拒敵。迄難成功。兵退。攻陷洛容縣治。據西鄉托定洛斗諸村。嘉靖五年。復征之。失利殺指揮舒松等。自是桂林地方歲遭鈔掠。無敢復稱兵矣。九年。鎮守總兵官張經議立都狼各隘一十三堡。募土舍莫崎領兵守之。無何。經改官土舍崎亦死。兵防耗弱。而賊愈披猖。至四十三

西南紀事

年十二月。首賊韋銀豹黃朝猛糾八寨賊樊公。等梯越省城。劫布政司庫銀四萬餘兩。參政黎民衷遇害。變聞。副總兵都司而下各抵罪。次年八月。賊復越城至布政司。守門官兵拒之。不能入。復至靖邱紅門。亦被敵退。督府以報。詔下所司議。將與問罪之師。時島夷海寇連歲為東廣患。兵食交誡。提督吳都御史桂芳度其時未可輕舉。遣古田守備卜禎典史廖元持文告諭之。上四里僮聽撫。請以元入縣守其地。實質之也。下六里僮逆命如故。桂芳奏陞元為本縣主簿。革副總兵。設鎮守廣西總兵官。以都督同知俞大猷充之。掛征蠻將軍印。桂芳召入。譚都御史綸張都御史瀚相繼至。與巡按朱御史炳如皆以討賊事屬大猷計之。大猷作討賊二議。用兵三義。指陳甚悉。會海酋曾一本方熾。大猷奉東征之命未遑也。瀚因疾引退。劉都御史燾代。逾年。亦以病歸。隆慶三年冬。廷議以古田賊稱亂久。天討所必加。然非廣西特設重臣。無以任是役。南贛張都御史紳殷少卿從倫劉御史思

賢皆以桑梓憂。條具討賊計。

莊皇帝毅然行之。殷都御史正茂以廷臣薦首膺是命。畀節鉞。得專征伐。發內帑金四萬兩供兵興之需。正茂以四年四月至桂林。開府總督李都御史遷亦以是月至蒼梧。時獻議者言人人殊。有道謀之感。正茂下諸司議。以左布政使郭應聘。官粵久。尤心屬之。且示之曰。諸夷梗化。曠誅滅。此朝食固矣。然蜂蟻之衆。莫可勝窮。從而別之。以示吾不殺之仁。亦兵法。携其交之義也。且今日之師。主於

聲罪。若豹若猛。則名捕之雄也。誠先獲之。即餘醜不盡芟。猶足以伸天憲矣。夫兵猶火也。不戢將自焚。况公私交匱之日乎。其毋持久。蹈費留之戒。而遺乏絕憂。惟諸君圖之。聘等曰。敢不惟命。聘迺偕大猷等。別剿撫之宜。定屯守之策。分析條縷。繪為圖以進。復詣督府議合。正茂乃會遷。疏陳可取狀。上從之。徵諸路土漢兵凡十四萬人。分為七道。以副總兵門崇文將南丹下雷諸兵。由永福抵總南。監副使邵惟中監之。都指揮錢鳳翔將思明那地

諸兵。由兩江抵都狼隘。副使應存卓監之。左叅將黃應甲右叅將王世科將鎮安向武東蘭田州諸兵。由洛容抵三門龍坑二隘。副使鄭一龍監之。遊擊將軍丁山都指揮董龍原任都指揮魯國賢將泗城歸順龍英江州諸兵。由融縣抵思管風門蓮塘三隘。叅議龔大器監之。原任叅將盧錡梁高領募卒三千人備策應。征蠻將軍俞大猷總其師。右叅政柴涑司糧賞。僉事金柱司察紀。左布政使郭應聘則綜司兵餉也。大猷度諸兵將集。遣把總王

綱領募卒分屯牛河三厄以扼要害。通轉輸。大猷繼之入縣城中。各路官兵俱以十二月初一日並進。連破東山鳳凰大巖澗水潞里古城數十巢。俘斬甚衆。賊勢潰奔。合潮水巢據其。五年正月。正茂檄大猷統諸路兵合擊之。賊殊死鬪。相持十餘日未下。大猷陽分兵擊馬浪諸巢。而屬王世科督兵守之。世科以安隆死士耶驢等三十人乘雨夜出。賊不意援伏山嶺。黎明銃發。賊衆驚潰。泗城諸兵援而上。賊墮崖崩壑。無噍類者。馬浪諸巢相

經俱下。大猷復分兵擊碎江金寶頂涼境天井理。定南鄉諸賊。以三月初一日班師。凡擒斬首從賊七千三百有奇。餘黨撫定。捷聞。

上心大悅。晉遷秩右都御史。正茂兵部右侍郎。廕一子入監讀書。大猷陞二級。應聘陞俸一級。賜鐵幣甚厚。餘各陞賞有差。先是正茂慮豹猛二酋越逸。懸千金購之。官兵未進。主簿廖元把總王綱用獐人黃金線等誘斬黃朝猛首以獻。銀豹度不免。欲偽為首級以誑搜捕。計令章良臺誘獐人狀貌

類已者。得莫諫成至其家飲醉之。取其首以豹常戴黑猿皮帽。及所佩刀解於廖元王綱元等信之。以報一時人心咸大快之。未幾有言章首非真者。正茂曰。人臣之義。以不欺為先。章首誠在。何惜數千金購之。購之而獲。報今之功。認前之罪。何所不可者。檄金柱門崇文及知縣唐執中密捕之。閱數日。銀豹之兄銀站及其隣廖東貴聽執中等計。生擒銀豹解之。正茂躍然曰。吾今得明目洗心於光天之下矣。即伏辜。所甘心也。乃為章自効而論柱

等功。械送銀豹至關下。磔於市。督撫二臣用前議。

奏定東蘭南丹那地三土州官族韋顯忠羅永山莫羅領常安桐木富祿三鎮土巡檢職事。世守其地。立古田守禦千戶所。陞古田縣為永寧州。以知縣唐執中任之。設兵備。將各一員。後有韋狼要者。銀豹族也。其人狡黠甚。方大征時。與其親族匿洛容托定洛斗永福邊山諸巢。久之復回上宋之馬嶺。不服土司鈴束。陰糾黨與。時為報復謀。有獐人黃銀成者。土司納其女為婢。往來親密。狼要以

為異已。讐而殺之。掠其妻子牛馬。遂率眾叛。糾洛永諸賊以數千計。攻圍營堡。據阻江道。陽朔碎江柳城上油賊皆應之。為變叵測。時方大舉。懷遠師都御史郭應聘檄兵備副使莊國楨撫其從亂諸黨。惟狼要罪不宥。購以重賞。狼要懼。與其黨數人遁右江。五都哨守官徐民瞻伏兵執之。其黨奔回復嶺。合洛容賊潛入其縣。襲殺典史謝漳。奪其印而去。應聘聞之。行總兵官李錫移懷遠征師。東蘭南丹兵委參將王瑞領之。副使莊國楨監其軍。大

破古底上宋諸巢擒斬一千六百有奇。俘獲稱是。時萬曆二年三月也。餘黨乞招。悉聽編甲輸稅。開荆榛。通道路。僮童就社學者數十人。今永寧城內。時聞絃頌之聲云。

論曰古田既平。改三鎮為土巡檢司。以下六里分隸之。得以狼制僮之法矣。但狼貪無厭。僮獷難馴。往往因之召釁。上宋之亂。厥有由哉。議者遂以用狼為非策。是未免於因噎而廢食矣。實鎮兵之防。嚴剗削之禁。是抹敝之先務也。猶有難焉者。縣民

轉徙於外者。無慮數千人。其得復業者。無幾也。今懇者紛至。欲舉上四里之衆而驅之。夫驅僮安民。名正義順。長民者孰無是心。然業已安之。而復驅之。恐新附之衆。未易猝移。而又徙之。民並失其業。長民者之心。大有所不得已者矣。後之當事者。審諸

西南紀事二

莆田郭應聘輯

秀水項鼎鉉訂

討平府江

府江平樂府地也。上起陽朔。下達昭平。綿亘三百餘里。岩谷與深。灘瀧洶湧。兩岸諸種。依憑險阻。出沒剽劫。自昔患之。而又以朦朧三峒。僊迴高天水。涯諸巢為之根抵。羽翼黨與。煽結莫可誰何。成化正德間。韓都御史雍陳都御史金先後討平之。百

十數年來。根株募引。生齒益夥。跳梁復如故。隆慶改元。總督譚都御史綸檄總兵官俞大猷畫進討計。會綸被召入。事遂寢。逾年。三峒賊攻荔浦縣城。破莫大嘉等堡。古架等村。兵民遭殺戮無算。西岸仙迴諸賊圍永安州城。復于山灣執知州楊惟執。并掠其印入巢。要厚贖始得出。當是時。道途梗塞。城門晝閉。永安修荔幾至陸沉。岌岌乎不可為矣。庚午冬。古田師興議者曰。府江兩粵咽喉。患與古田等。宜借兵威并及之。殷都御史正茂是其議。迨

師旋。則五年三月也。春深水漲。時已不可圖矣。彪灘龍頭磯諸賊益肆。虜指揮胡潮千戶李可久殺死千戶周濂。土舍岑文諸傷人。致貨狀。不可枚舉。事聞。兵備副使陳其樂坐貶官。是秋。正茂遷總督。郭應聘代巡撫事。正茂過府江。嘆曰。蠢爾異類。所謂仁弗能懷。威弗能懼者也。與聘決計討之。會東寇方棘。遂以屬聘。時議者有謂兩岸疊嶂層巒。人跡罕到。即嚮道間諜。舉無所施。而朦朧三峒賊衆且悍。欲一鼓并之。似非計之得者。聘曰。三峒者兩

岸通逃藪也。舉兩岸而不及三峒。是窺門戶而舍堂奧也。况峒賊之虐更熾乎。又謂東岸徭寇不滿二千。而十三屯民賊數為富賀擾。宜并及之。聘曰。富賀之有十三屯。以障諸徭也。舉兩岸而復及十三屯。是驅狼虎而自撤藩籬也。况屯賊之惡未著乎。分巡副使劉穩兵備副使鄭茂與聘議。偕先後以狀白軍門。聘遂會正茂及李御史良臣言于上。曰。惟粵西夷獠所在充斥。頃古田既復。國威大伸。諸夷稍知斂戢。其有恃險負固者。臣等多方招

論許以自新誠仰體朝廷好生之德毋敢動民召
釁為也。惟府江兩岸三峒怙險稔惡禍元元而厘
天子肝食不急擊將為地方憂徒用列艦陳師捐
餉數萬無益也。瓠下本兵議報曰可乃奉詔徵漢
土官兵六萬員名水陸分為四哨西岸及水哨以
都指揮王承恩董龍統其軍副使鄭茂監之三峒
哨以叅將王世科統其軍副使金柱監之東岸哨
以叅將錢鳳翔統其軍僉事夏道南監之總兵官
都督同知李錫總諸軍事督餉則左叅政胡直紀

功則副使龔大器劉廷舉也以六年六月十五日
進師三峒兵連克古西岩口木魚靛諸巢西岸
水哨兵克太平古冒馬尾彪灘仙迴諸巢東岸兵
克黃峒古摺水涯河冲諸巢賊勢大敗三峒賊潰
入南源雞籠山東蘭永順兵分道邀擊大破之高
天巢賊乘險拒敵我兵弗能克泗城兵潛登絕頂
舉銳號諸兵齊登覆其下東岸賊遁匿苦竹蒲岩
龍英田州兵用火攻盡殲之無得脫者凡擒斬首
從賊五千一百有奇俘獲四千餘名口牛馬器什

稱是以萬曆元年正月二十日頒師捷上

聖心嘉悅正茂賞銀五十兩紵絲二表裏應聘陞
俸一級廕一子入監讀書錫陞實職二級各賞銀
三十兩紵絲二表裏諸文武吏士陞賞有差役凡
三閱月費餉僅二萬計事畢聘檄布政使楊成按
察使高察偕茂等議善後策瓠為六事上之一曰
改設土司夫欲弭盜源先據要害今荔浦之峯門
南源修仁之麗壁市永安之古眉各巡檢司皆久
沒於賊宜悉革歸易為土司一移東岸營於水涯

募兵二千人分屯平嶺仙家冲諸田一移西岸營
於仙迴高天龍頭磯募兵二千人分屯六內六章
馬尾黃牛諸田一移上峒營於古西募兵千六百
人分屯峯門大南諸田一移下峒兼轄西岸營於
東線募兵千人分屯大宅東瓦諸田仍復廣運足
灘二堡以重巡緝土司於兵領中擇有才勇者充
其職事俾世守焉其不効者更置之二曰更設叅
將夫控要害置土司分兵屯守不有將領以統之
何以整齊約束重示彈壓也昭平舊有坐鎮都指

擇一人第事權稍輕遷代靡一宜改設參將兼制桂平凡兩岸三峒諸土司盡以屬之練兵簡覲戢夷防奸其有獷悍不逞者得相機鵬勦不為遙制三曰開通水陸向者諸徭占據道路榛莽今蕩平之後宜開山通道荒拓險阻西岸自昭平明源峒以達仙迴自仙迴達古蘇永安自藤灣達馬尾象磯自象磯達田冲龍頭磯抵府治東岸自昭平里步以達水滌自水滌達平西羅山及十三屯自羅山舊達達府治而又于沿江開緯道以便舟挽募

西南紀事

十三

商伐木恣其採取俾鼠潛蟻附者無所容而風氣亦因以漸闢四曰酌處兵費三峒兩岸設官營堡屯卒幾七千人鹽米之需人月給三錢屯種建築諸費不與焉初年約二萬有奇梧鎮曰府之蔽調節而均給之次年墾田所出足以自養止勿給五日預定縣治府江距蒼梧五百里許中間山谷窈杳林菁蔽虧片影孤帆行同異域稽之故牒唐宋時設龍平思勤馬江沙亭數縣後胥為夷占沒今昭平即古龍平地也江之西訐夷衍寬平風氣攸

聚宜即其地創一縣治以平樂之昭平馬江二里富川之二五都賀縣之招賢鄉上下半里割而益之總其賦得三千六百有奇而仙迴諸田稅盡以屬之六曰處分田糧兩岸三峒諸區覈賦遺田計四十萬畝有奇舊屬平樂荔浦永安者令民復業輸徭賦如故各土司屯種者人給田十畝兵領加給有差授田之初養以月糧資以牛種三年之後計畝科糧三升蠲其徭差著為例疏入詔皆從之乃設參將官于昭平以都指揮王承恩任之其各

西南紀事

十三

土司官上中峒屬之名色把總齊凱領田一萬三千八百八十畝有奇設堡凡幾下峒屬之土舍覃文舉領田八千六百六十畝有奇設堡凡幾東岸屬之土族岑仁領田一萬五千二百畝有奇設堡凡幾西岸龍頭磯諸兵領田五千一百九十畝有奇設堡凡幾仙迴諸兵領田八千二百六十畝有奇設堡凡幾永安高天古帶諸兵領田二千二百畝有奇設堡凡幾各畫地分界事版築業耕鋤為持久計通道設縣諸務將次第舉焉是年冬陽朔

碎江賊廖金溫等起南源。殘孽復逞。陰助之。突入土舍。莫棟管奪之。佯以招告。復分精銳。合金馬沙田賊襲古西岩口。傷堡兵十餘人。并據峰門大寨。參將王承恩率兵遇於青龍隘。轉戰數合。斬首十餘級。賊稍却。復奔據山灣。而榕峒喇崙六寨等巢。與三峒楊玄昌諸賊附焉。兵備副使徐作以報聘。發向武兵援之。會賊圍張村急。王承恩曰。山灣永安咽喉也。賊舍南源而據山灣。是無永安矣。勢可緩耶。亟引兵分二道。一由古西。一由石門進。賊聞

西南紀事

十四

之遁。我兵追及。賊勢窮。殊死戰。千戶張世勳勇敢士也。衝鋒手刃三賊。被創死。各兵斬級二千餘顆。奪復峯門。賊仍據守山灣。勢益衆。軍門復檄參將王瑞守備凌文明統田州兵二千人。募卒六百人。偕向武兵合擊之。遂破山灣巢。賊據險接刃。王瑞部兵奮死仰戰。殺賊二十餘人。乃大奔潰。山麓賊各兵乘勝追擊。斬首一百三十餘級。南源江帶賊震。計圖自全。其酋周公樓等願自縛詣降。乞還故土。授都鳳安寨。老韋公導等保領。求輸稅。為編戶。

副使徐作白軍門許之。悉從安插。復業者百四十人。移莫棟兵于山灣。分屯上下章。上下潘村諸田。據永安扼塞守之。榕峒諸巢。先以破山灣驚遁。兵既散。乃漸歸故穴。不復疑貳。永安知州廖憲言於作曰。永安諸賊。盤結山谷。不可勝誅。惟榕峒一巢。賊雖少。而悍倚險自固。患在肘腋。適今不舉。後難圖矣。作授計於憲。以二年四月。密遣百戶蘇勝宗。總目覃滿率兵搃之。擒斬五十餘級。鮮得脫者。遂以滿領其田。屯兵百人耕守之。喇崙六寨諸巢。一

西南紀事

十五

時皆屏伏。八月上。中峒僮酋楊玄昌王扶忠王公來等相率投招。願輸糧編戶。還西南黃村老鴉黃泥諸田。自此府江孤舟夜渡。車騎徑馳。而永安修蒞之民。卧始帖席云。

論曰。府江蓋百粵之孔道也。諸猺占據。為梗吏民商旅。視為畏途。即縉紳亦橫被慘酷。今三烈墓在昭平望之。愴然興慨。天威震疊。一旦廓清。足以快神人懾遐邇矣。顧尤有慮者。蜂螳之羣。不可數也。梟獍之性。不可馴也。此患在外者也。土司利曰之。

廣而戍額多虧哨堡玩寇之微而兵防易懈撫安之官目就保之排年又從而漁獵之其端雖細而禍機伏焉此患在內者也內患除則外患弭矣監司勤經略而詰久逋之奸守將勤巡緝而杜未萌之釁地方尚亦有賴哉

西南紀事三

征復懷遠

蕭田郭應聘輯
秀水項鼎鉉訂

懷遠故牂牁地也與湖貴清黎諸州接壤。猺獞矜狃據山谷最繁又最悍耐殺喜鬪負重綿鐵甲大弩長鏢鳴金鼓列陣進止諸夷號為黑猺宋元以來叛服靡一。明興命征南將軍吳良總大兵征五溪蠻由懷遠入猺懼請降因割融縣金鷄鄉

十七

益之列四鎮置縣治於潯江溶江之匯顧地形崎嶇弗稱附郭左右猺環居之三甲編民遠處諸猺外而猺獞又過猛以居素畏猺強瞬息向背無固志成化以後侵入融縣板江諸村據之當事者以賊勁費鉅兵興為難久置弗問嘉靖丙午知府江滿乘馬平征師之便請於督府自將征之諸猺屯大稜嶺郡鄧山以拒我師失利而還勢益張甚丁未環攻縣城縣官懷印出匿廂民俱星散自是城郭丘墟無一旅之寄而三甲遺民僅延喘息縣官

惟僑居府城以冠帶生員楊宦名色鎮撫朱萬世百戶任邦祚分地撫處。遙示羈縻而已。隆慶辛未春古田克復。以兵威戢諸猺。咸聽命願內屬。知縣馬希武廼入其地撫之。遂議復城縣。興版築。計傭作。日夜督率甚謹。有怠者輒鞭之。猺以不平。愬者盡罰不少貸。民猺子斃。杖下者二人。諸猺情大拂。怨詈日積。武又疑宦世兩人與賊合。議令世巡上江。宦巡下江。實疎之也。兩人心益離。不為用。壬申八月三日。諸猺嘯聚二千餘人。殺武及管工官經

歷俞冕等五人。變聞詔討之。時方有府江之役。總督殷都御史正茂巡撫郭都御史應聘議曰。諸猺稔惡。法無赦。然令寔激之也。今日之舉止於聲罪。宜即征師。選鋒向之。苟獲其渠魁。伸威雪憤足矣。狐鼠輩寧盡殲耶。萬曆元年正月。檄總兵官李錫挑土兵精銳二萬人。叅將王世科。錢鳳翔督率以進。屯板江。錫屯長安鎮。會大雨雪連旬。樵蘇不繼。士馬凍甚。土官兵無聞志。告息兵期。至秋復出。願効死力。兵備副使沈子木以報。乃遣歸。而益兵屯

長安鎮。越數日。賊出寇融之崗頭村。把總王鸞督鳥銃新兵遏之。擒斬三十餘人。賊始退。錫言曰。兵之不進。固天時。亦天意也。賊恃鐵甲強。非廣募浙兵莫可制。又黨與以數萬計。安所分別之。宜用浙兵若干人。廣兵若干人。湖兵若干人。備衝擊。土兵若干人。備搜爬。置戰艦若干艘。分水陸進。斯為全計。聘曰。兵法以全取勝。竊聞之矣。惟是粵西歲入素畜。物力方疲。狼兵十人之食。始當浙兵一。即募浙兵萬人。餉非十萬不可。知諸路兵又倍此耶。且

夷獠素畏狼兵。今以狼盡不足恃。恐諸夷聞之。生侮心矣。不携徒黨。是益敵也。不酌機宜。是自疲也。願熟圖之。乃檄諸司議以近縣近江諸巢為必勦之寇。黃土諸洞白果諸獍青淇大梅諸猺悉從安撫。用浙兵千三百人。廣兵千八百人。鈎刀兵三千人。土兵十萬人。及造舟梁繕器具。儲糧糗。各以職分理。咸備。會殷都御史正茂唐御史鍊疏聞于朝。詔報可。悉聽臣聘便宜。不從中制。聘奉命徵諸路兵。移文湖廣趙都御史賢貴州蔡都御史文各飭

兵備邊遣朱萬世役間道入三甲及古龍壯果靖
州衛千戶翟廷鸞入都天黃土原任主簿李材入
長沙大梅青淇諸巢鎮撫各夷俾毋首鼠願立功
自効者如格重賞於是諸矜獐獍未黨猥者咸願
出兵內助圖自完而應剿諸惡若勢寢孤已在我
掌股間矣十一月初旬諸路兵集聘乃申明軍令
刊布諸將吏懸示賞格有不用命者悉如軍法從
事諸將吏唯唯乃以叅將王世科領縣北哨統募
兵二營土兵九千名以都指揮楊照領縣南哨統

募兵二營土兵七千五百人以叅將錢鳳翔領坡
頭哨統募兵二營土兵一萬二千名都指揮戚繼
善領西路田寨哨統募兵一百人土兵一千三百
人聽坡頭哨兼督以原任叅將亦孔昭領板江哨
統募兵二營土兵七千九百名以原任叅將魯國
賢往靖州統鈎刀兵而總兵錫督募兵四營土兵
一千人戰艦四百艘為水哨并總陸戰事度地遠
近先後督發期以十二月初四日各抵信地又分
遏截六哨防越逸江運一哨護糧餉叅議李文

司督運副使莊國楨司紀功而監軍督理則悉屬
之兵備沈子木也十二月初二日至長安鎮王世
科楊照兵先發偵知諸賊屯聚板江據大洲四面
列艇恃五灘自固樹柵累石以拒舟師初三日水
兵進至四維江止營錫發把總金仲伯督五兵船
授令暗伏江口薄暮賊艇數百蔽江下欲衝營伏
兵寂然按號發銃諸營兵亦盡寂無聲賊驚奔還
洲內賊播鼓徹曙我兵屹不動初四日展錫麾
下雷等兵登岸趨賊洲督金仲伯王鸞施有叙兵

泝流砍柵毀固而進亦化昭錢鳳翔兵以次至賊
夜斂膽落晨見官兵水陸雲集知勢不敵疾棹向
軍聽潭遁并師奮力追之賊艇覆溺無算次日盡
發諸兵分山撲剿連破丹竹潘營同樓竹瓦火燒
合水諸巢東岸賊懼俱西趨期併力致死初九日
聚眾數千于楓木大山前阻陡澗鼓噪來衝行列
白盾如牆而進我兵開營鼓士雙攔其前左哨把
總李存忠兵衝其腹右哨把總王槐兵沿澗直薄
其後賊遂大潰棄金鼓甲冑越大稜嶺走官兵盡

搗田寨楊峒諸巢。追至縣治十五日。王世科報遁賊北渡潯江。合太平河里諸賊。集天鷲嶺。錫乃以水兵截潯江。督諸路兵結舟盡渡。分哨前進。王世科率南丹兵先過江抵南寨。賊從天鷲嶺來衝。指揮江濬兵奮趨擊之。梟被甲束帶首二人。賊大敗。奔聚腮江獨峒間。十九日官兵乘勝追擊。搗太平河里。連破慘口蓬葉三轉腮江巴峒。猛團七團諸巢。直抵靖州界。擒斬甚衆。正月初七日。魯國賢統湖兵至。進勦諫冲及大藍公和諸寨。時天鷲嶺之

北賊已略盡。會錢鳳翔報杲黃大地賊聚郡鄧山勢張甚。聘會錫量留兵縣北營故地。盡移諸兵與坡頭縣南兵分道夾擊。復大破之。俘獲甚衆。十六日諸兵追逸賊。望一大巢。長亘數里。崖壁峭絕。以合圍大木列為重柵。詢之撫猗云。上猺籠七寨也。諸猺稱曰。猺官猺王急則入窳其地。官兵度日暮分也近山。次日江濬兵從間道繞賊後。金仲伯路秉忠兵從中路。施有敘王鸞張左右翼而進。緣草仰攻。諸土兵繼之。賊殊死鬪。男婦悉出。鏢弩矢石

如雨下。有數婦裸體楊箕擲牛羊犬首為厭勝術。自己至申。官兵以死決戰。砍柵直上。土兵乘勢大呼而入。四面舉火。烟焰蔽天。賊大敗潰。梟斬賊級及燒死者無筭。獲懷遠官錫牌及演禽決戰妖書。知為猺魁三窟也。是戰我兵多負重傷。把總石密哨官常希官隊兵莊法旺等死事數十人。然窮窟逋藪根株悉拔矣。諸猺餘黨逃匿上下猺籠者。李材督已撫猺擒斬六十餘人。其匿上下黎者。錫遣謀者悉諭降之。乃議旋師移洛容討賊以王世科

留屯善後。時二年二月十五日也。凡破巢一百四十餘。獻馘三千五百四十二。俘童穉一千名。口獲牛馬器仗五千有奇。降其衆五百餘人。旋聞賜正茂應聘錫白金綵幣。聘陞俸一級。餘將士陞賞有差。先是諸猺恃衆且猛。又據上游。謂官兵必不能深入。至是傾巢掃穴。惡孽盡殲。其喙息僅存者以饑疫死復七八。咸相顧錯愕曰。吾今而後始知天威之不可犯也。乞降者踵至。願供猺賊守扼塞。子木乃籍其名數編為保甲。悉遣還復業。有蒙珣傳

以通妖書。善雞卜術。為古田賊魁。韋銀豹師。同大征。遁歸橫嶺。時糾黨侵掠湖境。湖人懸二百金。購之不能得。僇官之變。皆珣傳導之。及征師入。又以先匿免。至是。猥目吳金朝。詞知傳。所在報李材曰。傳實倡亂賊也。可竟容漏網乎。計同平昌村。猥縛之。磔于市。陂頭塘窟。猥執賊首楊洪。倉男弟加弟。榜弟郎以獻。其畏威悔禍如此。聘復用子木。議會殷都御史正茂。唐御史鍊。條計懷永善後合十事上之。其議懷遠者四。一曰移設縣治。懷遠舊

西南紀事

卷三

治環諸猥中。四顧榛莽。無可恃守。惟程村則附殘民。板江則隣融界。圖存之計。宜釋於斯二者。二曰聯東民猥。諸孽值斬艾之後。帖然歸順。非有羈繫。曷保其終。宜以太平河里四港諸孽屬之三甲。猛團七團諸孽屬之武洛。桐木合水三門諸孽屬之白果。獐武生朱應。賜統之郡。鄧坡頭果黃大地諸孽屬之土舍。韋昌金主簿。李材統之邊田。板江諸孽屬之浪溪。寶江良獐。千戶羅大本統之河濕。蕉花諸孽屬之背江。良獐百戶任邦祚統之庶幾。

聯絡勢成。不敢復萌異志。三曰選立社師。懷遠遺黎久已淪陷。誠夷之。將終于夷矣。宜於三甲立社師。教之。殘民子弟。稍習知禮讓。有能通文義者。錄充弟子員。俾速見為善之利。四曰慎固兵防。善後之策。要在足兵。屯戍之謀。先于扼險。懷遠視板江。猶門戶然。宜即其地屯兵五百人。以把總王鸞領之。仍給之告身。責其終効。庶幾扁輪既固。水陸咸資。詔悉從之。下所司次第行焉。今諸猥屏伏。遠邇諸猥。皆嚙喝向風。南蠻自此可不復反矣。

西南紀事

卷三

是役也。布政使楊成按察使高察。吳一介參政鄭茂。僉事夏道南。知府許嶽。鼓文質皆贊決大計。與有勞勩云。論曰。懷遠獠悍。為諸夷冠。眾皆為是役危之。廟堂特厯南顧。許以一切便宜。誠重之也。即徵兵選將。而道議紛然。當其時機事一移。豈直盛時有不討之賊。而右江士民有寧宇耶。聘乃力破群疑。不復顧却。此時之心。死生以之矣。遑恤其他。賴天之靈。宗社之福。羣醜卒就芟夷。伸主威而摠民患。是豈